

ONGER ONS JESAHT**Dreck fott
met Schmackes**

Jähn dommer fiere, och wenn et emol nit jeck on doll es. Mr künnt sojah sare, dat et en janz lecker fiese Ambraasch es. Hütt fiere mer nemmech hee on hütt ons „Dreck-fott-Daach“. Äwer mr wör doch kinne eschde Düsseldorwer, wenn mr sech nit alles schön bubble künnt! Och dä Daach kreeje mer eröm met Schmackes on Kawuppdesch, krempele ons de Ärmel op on speue jähn en de Häng, öm för ons Citty rongkeröm lecker propper zo make.

Öwerall nix wie Brasselei! Äwer nit dä beröhmde, bekannte „Kölsche Wisch“. Nä, hütt wulacke mer noh däm Motto „Von nix kütt nix“, on dat heeß en däm Fall, dat mer janz fies pingelech erömfuhrwerke on däm Dreck met Bessem, Mopp, Möllsäck on Kärcher op de Pell röcke. Natörlech dommer dat nit em Satängkleed odder em Kaschmirsacco. Nä, mer hannt jo för alles de passende Klamotte, och wenn mr em Dreck wöhle mösse. En däm orangschene Möllmannowerall on de Kawenzmannshangschoh kannsde och en bella fijura make. Prima es och, dat Alt on Jong metmake deht, von Schollpänz aanjefange bes noh Oppa on Omma send se all dobei on fäje nit bloß vör de eejene Dör. Dä Rongkömschlach am Wocheäng kannsde schon emol als Öbong för dinne Huuspotz drenne aankicke. Am nächsde Deensdaach es nemmech Fröhlengsaanfang, on dann sollt och bei dech Huus, Terrass on Jahde fröhlengsfrisch wie ussem Ei jepellt ussenn. Henger so'nem Düsseldorf tutto picco bello kann sech dann janz Kölle verstecke!

Monika Voss